

**QHOV KEV QHIB KOM NEEG MUAJ CIB FIM MUS KOOM**

# Txoj Kev Npaj Lub Chaw Muaj Kev Pab Rau Huab Cua Txhua Yam Ib Puag Ncig (Environmental Service Center Planning)



## Kej Pab Kom Huab Cua Txhua Yam Ib Puag Ncig Muaj Qhov Zoo Rau Txoj Kev Noj Qab Nyob Zoo

### Keeb Kwm

Lub xeev txoj cai yuav tsum kom cov nroog los mus npaj thiab los mus tswj cov khoom siv hauv tsev uas yuav tsim tau teeb meem thaum neeg muab pov tseg (household hazardous waste (HHW)). HHW yog cov khoom siv hauv tsev uas siv tsis tau lawm los sis tsis siv lawm thiab yuav tsim tau teeb meem rau tib neeg txoj kev noj qab nyob zoo los sis huab cua txhua yam ib puag ncig yog tsis muab pov tseg raws raws li txoj kev yuav kom pov.

Los ua raws li cov tswv yim uas cov neeg nyob hauv lub nroog muab rau peb, Ramsey County yeej tab tom nrhiav kev coj los kho cov kev pab kom cov pej xeev nqa cov khoom HHW coj mus pov tseg tau muaj kev nyab xeeb thiab pov tseg tau yooj yim. Hauv xyoo 2020, lub nroog tau muaj ib cov kev nug thiab ib cov rooj sib tham los mloog cov pej xeev cov tswv yim hais txog kev kho lub chaw thiab cov kev pab. Cov pej xeev tau thov kom:

- Muaj cov kev pab txhua rau cov khoom HHW, suav nrog rau kev sau cov khoom hluav taws xob thiab qhib sijhawm ntau ntxiv.
- Muaj ib lub chaw pov cov khoom HHW uas neeg yuav mus siv tau, yuav yooj yim rau neeg mus siv, muaj kev txais tos neeg zoo, thiab neeg yuav nrhiav tau yooj yim.
- Muaj cov kev pab uas yuav daws tau qhov kev tu ncuu rau ntau ntau pab pawg neeg nyob hauv lub nroog, cov pej xeev uas twb laus laus lawm, thiab cov tib neeg uas tsis muaj tshab tsav.
- Muaj kev tuaj thauj cov khoom HHW uas tus nqi pheej yig los sis tuaj thauj dawb.

### Cov teeb meem ntawm lub chaw tam sim no

Ramsey County lub chaw pov khoom HHW tam sim no uas qhib tag xyoo yog ib lub chaw uas ib lub lag luam sab nraud, Bay West LLC. yog tus tswj thiab yog tus los khiav lub lag luam. Bay West yeej npaj tau cov kev pab uas zoo rau cov pej xeev nyob hauv lub nroog siv txij li thaum xyoo 2000 los lawm.

Lub chaw thiab cov kev pab tam sim no yeej tsis muaj zoo li qhov cov pej xeev xav kom muaj los sis yeej tsis muaj zoo li lub nroog lub zeem muag mus ntev ntev yav tom ntej vim cov teeb meem nram qab no:

- Ib lub chaw uas lub nroog tsis yog tus tswv yeej tsim tau teeb meem rau ib qhov kev pab cuam uas yuav muaj ntev ntev mus tom ntej, yeej ua rau lub nroog muaj teeb meem tswj tau lub chaw ntawd thiab muaj teeb meem tswj tau txoj kev txiav txim nyob hauv qhov kev pab cuam ntawd. Qhov no los kuj txwv tsis pub kom cov lag luam muaj cib fim los mus xa ntawv tuaj sib tw saib lub lag luam twg yog lub muaj tus nqi pheej yig tshaj.
- Lub chaw tam sim no twb tsis loj txaus coj los sau cov khoom hluav taws xob.
- Lub nroog yuav tsum muaj chaw dav txaus coj los ua kom cov pej xeev mus siv tau cov kev pab, thiab ua kom cov pej xeev mus siv tau cov kev pab yooj yim.



### **Ib txoj kev tshiab coj los sau cov khoom HHW**

Los ua ib feem ntawm ib lub zeem muag uas yuav siv ntev ntev mus yav tom ntej thiab los mus ua raws li cov lus uas cov neeg nyob hauv lub nroog tau hais rau peb, lub nroog tab tom tsim ib txoj kev tshiab cov los sau cov khoom HHW. Peb lub hom phiaj yog los mus ua kom tau raws li qhov uas cov pej xeev xav kom ua tau thiab raws li qhov uas yuav tsum tau muaj uas yuav tsum ua kom muaj kev pab rau txhua pab pawg neeg sib npaug zos thiab kom tsis txhob muaj kev sib cais. Cov kev kho uas twb pib lawm los sis twb npaj tseg lawm yog muaj:

- Ib qhov kev pab cuam tshiab thiab dawb rau kev sau cov khoom hluav taws xob uas muaj kev koom tes nrog lub tuam txhab Repowered uas tus tswv yeej yog ib tus neeg nyob hauv lub nroog.
- Ib Lub Chaw Muaj Kev Pab Rau Huab Cua Txhua Yam Ib Puag Ncig (Environmental Service Center) uas lub nroog yog tus tswv.
- Ib qhov kev pab cuam uas yuav tuaj thauj cov khoom HHW.

## Ramsey County



**Lub Chaw Uas Peb Tau Npaj Hais Tais Yuav Ua:**  
1700 Kent Street, Roseville, MN 55117

## Lub Chaw Muaj Kev Pab Rau Huab Cua Txhua Yam Ib Puag Ncig (Environmental Service Center) yog dab tsi?

Lub Chaw Muaj Kev Pab Rau Huab Cua Txhua Yam Ib Puag Ncig yuav yog ib lub chaw rau cov pej xeem nqa cov khoom uas yuav rov qab muab ua dua coj los siv coj mus pov tseg. Lub chaw no los kuj yuav muaj kev qhia thiab cov khoom neeg yuav nqa tau coj mus siv dua thiab muaj chaw kho tej khoom siv.

### Lub chaw tshiab uas lub nroog yog tus tswv yuav:

- Muaj chaw rau neeg nqa cov khoom uas yuav rov qab muab ua dua coj los siv, khoom noj, khoom hluav taws xob thiab khoom HHW coj mus pov tseg.
- Tsim ib lub chaw uas muaj kev qhia thiab kev pab rau cov neeg nyob hauv lub nroog.
- Tsim ib lub chaw uas nyob ruaj rau qhov kev pab cuam Fix-It Clinics uas cov neeg nyob hauv lub nroog yuav nqa tau laww tej khoom coj mus kho dawb thiab mus kawm kho.
- Muaj chaw uas muaj cov khoom neeg yuav nqa tau coj mus siv dua.

## 📍 Vim li cas peb thiaj li xaiv lub chaw no?

Tom qab peb muab coj los tib zoo xav hais txog txoj kev neeg yuav mus siv tau, lub chaw thiab qhov uas yuav yooj yim rau neeg mus siv, nrog rau tus nqi, qhov teeb meem uas yuav muaj rau huab cua txhua yam ib puag ncig thiab qhov uas yuav tsum tau muaj ib lub chaw dav txaus rau ntau yam kev pab uas peb yuav tsum tau muaj, Ramsey County thiaj li npaj hais tias cia peb siv thaj av uas lub nroog muaj nyob ntawm 1700 Kent Street nyob hauv Roseville. Lub chaw no yeej yog ib lub uas nyob hauv plawv thiab yeej muaj txhua yam raws li qhov uas peb yuav tsum tau muaj hais txog ib lub chaw uas yuav zoo rau txhua pab pawg neeg siv:

- Dav kwv yees li ntawm 5 ev kawj (acres) thiab yeej txaus tsib lub tsheb ua ib zaug nkag mus thiab yeej muaj chaw tsawg kawm los yeej yog txaus li ntawm 20 lub tsheb nres ua ib kab sab tos.
- Yeej txaus pab tau neeg li 50,000 zaus rau ib xyoos.
- Yeej nyob ze ib txoj kev loj khiav tsheb (freeway), lub nroog ib txoj kev los sis lub xeev ib txoj kev.
- Cov tsheb thauj khoom (trucks), suav nrog rau cov tsheb thauj khoom loj (semis) yeej mus siv tau.
- Yeej yog ib lub chaw uas yuav muab luam ua xim mas tau uas yeej muaj tej qhov ntxab me ntsis thiab yeej muaj tej qhov uas tsis ntxab li.
- Yeej yog ib lub chaw uas neeg pom thiab mus siv tau yooj yim.
- Yeej muaj kev rau cov neeg siv cov tsheb thauj pej xeem (public transit), cov neeg caij tsheb kauj vab thiab cov neeg mus ko taw mus siv tau.

## 💰 Yuav muab nyiaj qhov twg coj siv rau qhov no?

Cov nyiaj uas yuav muab coj siv rau qhov no yuav yog los ntawm lub nroog pob nyiaj uas lub nroog yuav muab coj mus siv rau cov khoom pov tseg (solid waste). Cov nyiaj nyob hauv pob nyiaj no yog tau los ntawm lub nroog qhov nqi hu ua County Environmental Charge (CEC) uas yog tus nqi mus thauj peb xeem, lag luam, thiab txhua lub tuam txhab cov khoom pov tseg. Kev tsim tsa thiab kev khiav hauj lwm nyob hauv lub chaw no yeej yuav tsis ua rau qhov nqi CEC nce li.

## Kuv muaj ib cov lus nug, kuv ua li cas kuv thiaj yuav nrog koj tham tau?

Ramsey County yeej xav hnov cov lus nug uas neeg muaj thiab yeej muab cov lus nug thiab cov tswv yim uas cov neeg nyob hauv lub nroog muaj coj los saib ua ib cov lus tseem ceeb. Yog yuav los muab tswv yim los sis muaj lus nug, thov mus xyuas lub chaw Environmental Services Center lub vas sab nyob ntawm [ramseycounty.us/ESC](http://ramseycounty.us/ESC). Koj los yeej mus tso tau npe los mus txais tej cov lus uas peb muaj tshiab hais txog lub chaw Environmental Service Center thiab lwm cov kev tsim tsa uas muaj kev cuam tshuam rau Kev Pab Kom Huab Cua Txhua Yam Ib Puag Ncig Muaj Qhov Zoo Rau Txoj Kev Noj Qab Nyob Zoo (Enhancing Environmental Health Service) txoj pib los npaj.